

اِسْتِغْنَا

نومرو ۱۵

بجانبہ

۱۸ کانون اول ۱۳۲۴

توتون رژییی حقنده برلایحه

رژیی اداره سنك اقتضای مدت امتیاز به سنه انجق بش سنه قالدینی و اداره مذكوره
چاقچیلغك ایام اخیر ده يك زیاده توسع ایتدیكندن بخله تدابیر مانعة عسكریه اتخاذینه
لرؤم كوستردیكی ایچون كرك مدت امتیاز به سنك تمدیدی . و كرك چاقچیلغك منعی خصو-
صلرینك مجلس مبعوثانده موقع تذكرة وضعی ملحوظ بولمقده در . بمجموعه مركز بضاعة
واستطاعتی مرتبه سنده خدمت ایتك استدیكی مقاصد جمله سندن بریده محترم مبعوثلر مركز
آرای منوره لرینه حواله قلمه جق خصوصات حقنده دقت وبصیرت لرینی جلب وایقظه مدار
معلوماتی جمع ایله نوعاً بره مباحثه ابتدائیه به بول آجق قضیه سی اولمقله رژیی به دائر
بوكره «استشاره» به اهدا بیوزیلان برلایحه بی بروجیه زیر درج ایلیوزر . بوندن ایكی
یچق سنه اول توتون رژیسك تمدید مدت امتیاز به سی ودها طوغریسی تمدید تخریباتی
قوة قریبه به كمش ایكن اولوقت دیوان محاسبات رژیی بولنان راستخك افندی حضرتلری
طرفندن اعطا قلمان اشبو لایحه مهمه اوزرینه اوتاد خسار طرفدارانك بیک درلو
انتزیه لرینه رغماً کبر و قالدینی وبوصورتله یوز بیكارچه زراعت رژینك مظالمندن تخلص
کربان ایتك امیدینی تأمین ایتدکاری معرض شکرانده بوراقدقه تمهیددن کندیمیزی
آله مدیقمز کی یوبایدکی معلومات متممه ایله ملاحظات سائره بی ده صره سی کادیکه علاوه
ایلیه جگمیزی محترم قارئلر مزه بیان وتبشیر ایلرز .

توتون رژیی یوزندن خزینه جلیله نك وزراعتك وبالجله تبعه عثمانیه نك
مالاً ومعناً دوچار اولدقلری غایت جسیم وعظیم ضایعاتی منحصرأ ایضاح ایله
دولتجه ومملكتجه بحقر استفاده به خدمت ایده جك تجارت و تدقیقانه مستند
بعض مطالعاتك عرضنه محاسرت ایلم .

انحصار لر كشایش تجارت و حرفتی تضییق دیمك اولدیغندن بالجله اقتصاد
یونجه بغایت مضر بیلنوب انجق دولتجه واردات کلیه تأمین ایچون مكیفادن
اولان شیلرك انحصار آتته آلمسی بدرجه به قدر معذور کورلمشدر . توتون
محصولی کلیاً مفقود ویا يك محدود اولان ممالكجه توتون انحصاره آلمش ایسه ده
ممالك عثمانیه بونلره قطعاً مقیس دكلدر . زیرا حطه وسیله عثمانیه ده توتون
منحصرأ مكیفادن عد ایدیه میوب مبذولاً زرع ایدلمكده بولمسی غایت نفیس
وقیمتلی اولمسی حسیده یوز بیكارچه زراعتك سبب معیشتی اولدیغندن حوایج
ضروریه دن ایشجه سنه تلقی ایدلك اقتضا ایدر . وجوه عدیده اله مضراتی
وارسته عرض واثبان ونفس الامر ه عدم موافقتی بدیهی وعیان اولان طرز

انحصار ك اساسنده منديج محاذيردن صرف نظر رژی اداره حاضره سنك تأسس واحداثدن اولی احوال ایله شمديکی معاملات نظر تدقیق وموازنه دن کچرلديکی حالده امور شرعيه واوامر وقوانين خيريه به انقيادده معروف جهان اولان تبعه عثمانیه نك اطاعی خصوصنده توتون قاجقيلری يوزندن برفرق عظيم رونما اولمقده دركه بوضباع معنوی هيچ برصورتله قابل تلافی دکدر .

قاجقيلق وسيله سيله مأمورين وهيئت ضابطه حکومته قارشو وقوعه کلان اطاعت سز لکار نتیجه سی اوله رق جاجا سرزده ظهور اولان وقایع جرمیه عدليه استانت قیلرنده غایت دلخراش بریکون تشکيل ایتکده در توتون قاجقيلغنه اعتياد سببيله اموال وامتنه ساره قاجقيلانی ده کسب رواج ایتشدركه بونک دخی درجه محاذیری محتاج عرض وتفصيل دکدر . اساس تشکلی منفعت شخصیه مبتنی بولنان رژی اداره سنك تمامی تأمین منافی انجون خصوصیات متنوعه ده بعض مأمورینك اخلاقی اوزرنده حاصل ایتدیکی تأثیرات ایله دخی کمال اهميته نظر تدقیق دن کچرلمکه احرا در . منافع عمومیه بی ذره قدر کوزتمیه چکی درکار وکنه واساسی جمع مال اولان بومؤسسه يوزندن برربع عصر دنبرو سرزده ظهور اولان مجارحه ومقاتله لر وبونک نتیجه مؤلمه سی اوله رق قنطره موت نا که ظهور دن کچوب رژی به قربان اولان بونجه شجعمان شبان دن اردوی ظفر موعود عثمانیك محروم اولدینی لائحی دلیران وحرف وصنایع مملکتك ناحق بره ضایع ایتدیکی ایادی غیرت وران ومندرس اولان بونجه خانمان وبونلرک کریان ونالان اوله رق کیروده بر اقدقلری ارا مل وطفلا نك عمیق برسفال مشؤمیه بویان ایدلنکری دوشونلنکجه هر قلبك رقت حیتله صیرلیه جینی وارسته کلفه بیاند ر .

ممالک عثمانیه نك سنين اخیره ده زراعتجه ترقیاتی یکر می ایکی سنه اولکی اعشار وارداتنك موازنه سیله میدانده ایکن توتون زراعتیله مشغول اولان تبعه مطیعۀ عثمانیه ویرکوسنی ویرمکدن عاجز قوت یومیسه بی تدارک محتاج بر حالده دوجار اضمحلال اولمشدر . طربزون، قونی، بروسه وسار ولایتلرده واذمید ملحقاتنده بعض کویلو واردرکه رژی نك معاملات طاقفر ساسندن اهالیسی طریق

سرکشی به سلوک ایله مزروعاتی رژیی مأمورلرینه تحریر ایتدرمکدن قطعاً استکفاف ایدبورلر . چونکه رژیی طرفندن محصول مساعیلرینه مصارف نقلیه سنه وفا ایتمیه جک درجه ده غایت جزئی برقیات ویرلدیکی ایچون بیچاره زراع بویوله سلوک ایله وظیفه اطاعتی اخلاصه مجبور اولیور . رژیی اداره سی خجاقیلغک منعیله وارداتک تزییدی زراعتک تحدیدنده کوردیکندن برچوق وسائل و دسائسله فقرای زراعی اولقدربی انصافانه تعقیب ایدورکه بعضی محملدرده زراع مالکیتی دکل کندیسینی اولاد و عیالینده بوجه اسارت صاتسه دوچار ایتدیرلدیکی جزای نقدی بی تأدییه به مقتدر اوله ماز . زراعی برای تحریم توسل اولنان صنیهه پک ساده در . رژینک تعین ایتدیکی تحریر مأمورلری آلدقلمی تعلیماته توفیقاً توتون محصولانی مقدار حقیقیسنندن غایت فضله تحریر ایدرلر . مثلاً ۱۳۱۷ و ۱۸ و ۱۹ سنه لرنده رژینک دفترلرنده کوردلیدی وجهله تحریر اولنان توتونلرک مجموع مقداری ۱۱۴,۵۰۰,۰۰۰ کیلودر . کذلک دفتر موجبنجه بو اوج سنه لک صرفیاتی ۲۳,۷۰۰,۰۰۰ و اخراجاتی ۵۸,۶۸۰,۰۰۰ کیلواولوب بویکی قلمه یسنه اداره مذکورهنک مبالغه کارانه ادعای و جهله خجانه صرف اولنان حد اعظمی سنوی ۷,۰۰۰,۰۰۰ کیلوکه اوج سنه ایچون ۲۱,۰۰۰,۰۰۰ کیلو ضم ایدیلنجه مجموع صرفیات و اخراجات ۱۰۳,۴۰۰,۰۰۰ کسور کیلویه بالغ اولور . وشو صورتله بالاده محرر سنین ثلثه ظرفنده ۱۱,۰۰۰,۰۰۰ کسور بیک کیلونک قصداً فضله تحریر ایدلدیکی نظام ایدر . زراع خرج تدارک ایدمه مدیکی وطول مدت اخفاسی ممکن اوله میان بر محصولی تجربه دائمه سنه رغماً محضاً گرفتار جزا و سفالت اولمی ایچون زرعه نده اصرار و یارژی به صانوب تسلیم و انتفاع ایتمکدن امتناع ایدمه میه چکی درکاردر . بناءً علیه حقیقی مزروعاندن فضله تحریر اولنان لااقل سنوی درت ملیون کیلو توتون محصولنک قطعاً وجودی اولیوب صرف رژینک قوه مخیله سی محصولدر . اداره مذکورهنک بو صورتله زراعی محکوم ایتدرمی جزای نقدی بی استحصال کبی بر خیال خامه مسستند اولیوب بالعکس و قتیله نظارتلرینه یازوب معلوم چا کرانه اولان محررانده صرحه مذکور اولدینی

وجهله زراعی بوصوله تحریم ایدیشی جزای نقدی ایله محکوم اولانلرک توتون
زرعنه حقلری اوله میه جغنه دارماده قانونیه دن بلاستفاده زراعتی تحدید ایتمکدرکه
بونک نتایج مضره سی اولان فقر و ضرورت پک زیاده تلمفه شایندر .

رژیه زراع طرفندن ویریلان استدعالر سبک صکه مغایر بولنش ویا لغرض
محالس ادارهیه تعیین ایتدیریلان صوک درجده قصب مدتلر طرفنده ویرلماش
ویا خود مجازات نقدیه به محکوم اولانلر طرفندن اعطا ایدلش کی ثم التمدارک
اسبابه واکثر یا هیچ بر سبب و بهانه در میانه بیله تنزل ایتیه رک رخصتس زرع
ایدلش تهمت موهومه بیله بیچاره زراعتک آیلرجه ال بر اکیله و عائله طاقفر سا
مساعی نتیجه سی اوله رق وجوده کتوروب مہشت و موجودیت مستقبله لرینی
بوکا حصر ایلدکری مزروعاتی بر غنف طمعکارانه ایله قلبلرینی موقعلرندن
قویار رجسته اداره مذکورہ قلع و قطع ایتمکده در .

عثمانی مملکتی دنیانک الک مبدول و الک نفیس توتون یتشدیردیک بر مملکت
اولدینی حالده باندربول رسمنک پک یوکسک اولمسندن طولانی قراده بر چوق
کیمسه لرک اوت و مصر بوسکوائی توتون مقامنده ایچدکری چوق دفعه کورلش
احوالدندر . رژیم شرکتی اهالی به پاره اقراض ایلدک والی بیک کیلو توتون
وجوده کتورن کویلرده انبارلر انشا ایتمک صورتیه زراعتک ترقیسی ایچون
تعهد ایلدیک تسهیلاته مقابل بونجه فلاکت، تصعبات و سوء استعماله مصدر
اولمی و انبارلری یا پاماق صورتیه دولته قارشو بو جهتدن دخی تعهدنی ایفا
ایتمکدن بشقه سکر اون ودها زیاده ساعت مسافده واقع قضا ولوا مرکز لرینه
توتونلرینی نقله فقرای اهالی بی مجبور ایتمکله ایشندن کوچندن آلیقویمسی
و بتخصیص توتونلرک انبارلرده دفعانله تیماره احتیاجی وار ایکن انبارلرک فقدانندن
ناشی بو عملیات دخی متروک قاله رق نفاستک ضیاعیه و قتیله منحصر ا ممالک
عثمانیه دن توتون جلب ایدن مملکتلرک شمعی بشقه برلردن محصول تدارک و جلبنه
و مقدما عثمانی توتونلرینه رقابت ایدوب اخراجانده بولمغه مقتدر اوله میان
مملکتلرک سوقیات کلیده بولنوب ممالک عثمانیه توتونلرینه شدتلی بر رقابت

ایده بیلمسنه و بنابرین اهالینک پک زباده ضرره دوجار اولسنه سببیت ویرمکده در .
 انحصارک محاذیرندن بری بر قضیه بدیهیه اولدینی اوزره رقابتک محوینی
 و بو ایسه لاقیدی نتیجه سی اوله رق نفاسک ضیاعنی مستلزم اولدیغندن الحاله هذمه
 رژی اداره سی توتونلرک جنسی کلیاً رخنه دارایتدیکنه واسکی توتونلردن شمدی
 اثر بولمادیغنه قدمای مشتاقان دخانک نومیدانه تأسفلی بر کواه جلدیر .

سرزده ظهور اولان بونجه فناقلرک باشلیجه سببی رژینک فساد تشککنده
 آرامق طبعیدیر . توتونی انحصار آلتیه آلنی ترویج ایدن دولتر انحصاری
 طوغریدن طوغری به حکومت نامنه اداره ایتمک جهتی التزام ایتمشدر . چونکه
 انحصار ممالک عثمانیه ده اولدینی کبی اجنبیلر طرفندن اداره اولنان بر شرکته
 تودیع اولنجه فکر و املی منافع شخصی سی تأمین منحصراً اولوب اهالی حقیقه
 حکومت عثمانیه مثللو بوندن بر حس رأفت و شفقت بکلمک امر محالدر .

اجانب طرفندن اداره اولنان بر مؤسسه نک تحت امرنده بیکلرجه مسلح
 قولجی بولمنسک دخی حکمت حکومتجه نه قدر کران اولدینی و امثالی دنیانک
 هیچ بر یرنده کورولمیدی بدیهیدر .

رژی اداره حاضره سنک یکرمی ایکنجی سنه سی واردات غیر صافیه سی
 ۲,۶۰۹,۲۹۸ لیرا کوسترلمشدرکه مبلغ مذبوردن مقطوع و حصه تمتع اوله رق
 حکومت سنیه و دیون عمومیه به اعطا اولنان جمعاً ۹۵۰,۴۷۸ لیرا ایله برسنه
 ظرفنده صاتیلان توتونلرک مال اولدینی فیأت اولق اوزره رژینک دفترلرنده
 کوستردیکی و شایان استکثار بولندینی درکار اولان ۵۴۷,۶۹۵ لیرا ضم ایدلدیکی
 حالده ۱,۴۸۸,۱۷۳ لیرایه بالغ اولدیغندن بالاده کی ۲,۶۰۹,۲۹۸ لیرادن تنزیل
 ایدیلجه ۱,۱۱۱,۱۲۵ لیرا قالیرکه مقدار مذکور صرف مصرفدر .

کرچه رژی دفترنده بالکرم مصارف عمومیه کوسترلدیکندن طرف چا کرانه مدن
 بوجه بالا ارانه اولنان مبلغدن نقصان کوستریلیورسده بوصرف اثر اغفالدر .
 چونکه شرکک فائض و مؤسسار حصه سی و حصه تمتع اوله رق آلدینی
 ۲۶۴,۹۸۳ لیرا دولت و اهالیجه مصرفدن بشقه برشی دکدر . تماماً دینه جک
 - استشاره -

بردرجه ده یکسه اجانبه کیرن بوملیونلرجه مبالغ زواللی زراعدن وسائر تبعه عثمانیه دن بورکارینک قاننه بولاشه رق چقمقده در .

دیوان محاسبات رئیس سابق

(دوام اولنه جقدر)

راسخ

قانون جزا حقننده بر مطالعه

تشکیلات عدلیه من اعتباریه محاکم عثمانیه نک حال حاضری نه درجه موجب اصلاح بر حالده ایسه قانون جزا ده اونسیبته اصلاح و تعدیله محتاجدر . اخیراً غرتلر ده قانون جزا نک تعدیلات لازمه سی وبالخصوص اضرا اناسی موجب مواد حقننده واسع بر صورتده تعدیلات اجرا و حکومت هر مشروطیتیزی تبدیلنه تشبثات خائنه ده بولسانلرک اعدامنه دائر مجدداً بر ماده قانونیه درج ایدلش اولدینی کمال شکرانله معالعه اولمشدر . اوت ملتک سعادت حالی متکفل و هر صورتله اوج اقبال و ترقیاته ایصاله خادم یکانه اولان اصول مشروعه مشروطیتک علیهنده بولسان بر خائیک جرمی نه درجه عظیم اولدینی تعریفه صیقماز بویه بر خائیک وجودینک ازاله سی فرض عین عین فرضدر . ذاتاً هر دولته مرعی بولسان قانون جزا جرائم عمومی و جرائم شخصی نامیه ایکی بیوک قسمة منقسمدر جرائم عمومی قسمة نک اک برنجی ماده لری اصول و شکل دولتی تبدیل تشبث ایدلر حقننده اعدام جزاسی کی آغیر جزا لری محتویدر . بوکیلر حقننده اعدام جزاسی بیله آذر . جرائم عمومی نک اک آغیر لری مرور زمانه ده تابع اولمایوب بولرک متجاسر لری هر نه وقت در دست اولنور ایسه اولنسون حقلرنده حکم قانون اجراسی بعض دولتلرک قانونلرنده صراحتاً مندرجدر . فی الحقیقه اصابت و عدالته بومرکزده در مثلاً بر قوماندانک مبالغ کیهیه مقابل انشای محاربه ده اهاتی و وکلادن بر ذاتک کذلک حکومت مشروعه مشروطه حقننده خیانتکارانه بر حرکتی کورلدکن صوکره ممالک اجنبیه فرار و اوراده بر مدت اقامتله مرور زمان حدینی طولدیردقن صوکره مملکتلرینه عودت ابتدکاری حالده بوکیلر حقننده قانوناً برشی بیله مامسی نه درجه وخیم و چرکین برشی اولدینی عرض و تعریفه محتاج بر کیفیت دکدر . بنا برین اسباب مسرودهیه مبنی بحث اولسان جنایاتک مرور زمانه تابع اولمیه جنی یولنده اصول محاکمات جزائییه بر ماده قانونیه علاوه سی الزم خصوصاً ندندر . قانون